

Newspaper	Berita Harian
Date	26 March 2016



Najib ketika berucap di depan lebih 5,000 pemimpin dan ahli UMNO serta parti komponen BN yang mengadakan 'Himpunan Solidariti Untuk PM' di Pangkalan TUDM, Kuantan, semalam.

(FOTO LUQMAN HAKIM ZUBIR/BH)

» Najib tempelak tindakan bekas Perdana Menteri khianati prinsip perjuangan UMNO

Oleh Amin Ridzuan Ishak dan Nik Sukry Ramli
bhnews@bh.com.my

► Kuantan

Datuk Seri Najib Razak menempelak tindakan Tun Dr Mahathir Mohamad yang sanggup membelakangkan prinsip dan menjalinkan kerjasama dengan pembangkang.

Perdana Menteri berkata, Dr Mahathir sudah lupa apa yang dilakukan pembangkang sepanjang 22 tahun beliau menjadi Perdana Menteri dan tindakan menandatangani 'Deklarasi Mahathir' umpama mengkhianati prinsip perjuangan UMNO selama ini.

"Selama ini ramai orang suruh saya bersabar... memang saya boleh (bersabar)... tapi perlu diingat, tahap kesabaran ada hadnya.

"Jangan sampai mereka pijak kepala kita... mereka sepak kepala kita. Jangan kita terlalu nak berpolitik... semua benda nak politik... cukup-cukuplah.

"Selama 22 tahun jadi Perdana Menteri... siapa yang kutuk DAP dahulu... siapa yang cakap (Lim) Kit Siang 'racist' (perkauman)...

jadi, apabila kita tengok dia (Dr Mahathir) peluk Kit Siang... 'sign' (tanda tangan) Deklarasi Rakyat... apa maknanya itu?" katanya ketika berucap di depan lebih 5,000 pemimpin dan ahli UMNO serta parti komponen Barisan Nasional

"Jangan sampai mereka pijak kepala kita... mereka sepak kepala kita. Jangan kita terlalu nak berpolitik... semua benda nak politik... cukup-cukuplah"

Najib Razak,
Perdana Menteri

(BN) yang mengadakan 'Himpunan Solidariti Untuk PM' di Pangkalan TUDM, dekat sini, semalam.

Yang turut hadir Menteri Besar yang juga Pengerusi Badan Perhubungan UMNO negeri, Datuk Seri Adnan Yaakob.

Saya PM untuk rakyat

Najib turut menyatakan rasa terharu dan terima kasih kepada semua yang terus memberikan kepercayaan dan sokongan kepadanya.

"Bila saya tengok yang hadir hari ini (semalam)... saya rasa terharu dan bertambah yakin bahawa saya tidak berseorangan dalam menghadapi serangan daripada pelbagai pihak (pembangkang).

"Tuan-tuan dah kenal saya se-

jak kira-kira 40 tahun lalu lagi... ketika saya menjadi Menteri Besar di negeri kelahiran saya ini. Saya ini bukanlah (seperti) apa yang dikatakan oleh orang belah sana (yang ingin menjatuhkannya). Saya bukanlah macam itu. Saya jaga Pahang (dan negara) dengan sebaik-baiknya.

"Kalau saya nak rompak dah lama saya rompak hutan (balak) sini (Pahang). Saya tidak ambil seinci pun, sebatang pokok pun saya tidak ambil, saya tidak ambil lombong bauksit, saya tidak ambil apa-apa.

"Bila saya jadi Perdana Menteri saya tidak ubah pendirian saya, saya tidak akan ambil harta rakyat, jangan ingat saya penyangak, jangan ingat saya mencuri harta rakyat, saya Perdana Menteri untuk rakyat," katanya